

《胡氏族谱》续修谱序

（摘录于光绪二十三年双龙岗《胡氏族谱》二修序二）

昔宣圣言：达孝，在于继志述事，诚哉！祖德宗功不可隳于后人。也。顾明王、圣主德位兼隆，谟训功烈，垂之简编。史有记、书有载、可法者，遂以可传可大者，因之可久。至士庶家名未登于天府，功不著于丹青，其将何以继述乎？不知分有尊卑、孝无殊致。自隋唐而上，氏族俱尚谱系，历代并有图谱局，置郎令史以掌之。凡族姓之有家状者，则为考定，祥实藏于密阁。国朝尤重其事，颁姓氏族谱于宇内，既又命天下各族三十年小修、六十年大修。凡此皆恐小民无知、考系忘所出、数典忘其祖也。胡氏之世祀也，肇自虞，其受氏也，命于周，厥后名贤代出，宋时尤盛。故苗裔中邦，亦可见神明之胄较异他姓。特世代屡易方隅，又隔加以兵劫迭乘，游离转徙。而于是亲者疏、疏者愈疏。遂至一本

之亲各祖其祖，而不知祖之所自出。

悲乎我族昉自明浚公迁澧，溯而上之，浚公之祖固不可考；顺而数之，自元迄明，传世虽真，亦惟居者可稽，而迁者无闻。所以然者志洪先生之编辑，既遭劫灰，至秉文公方修明于康熙间。先人之遗型半就阙略。故虽瓚祖著循良之绩，其嘉言善行亦有不尽传者，迄今又二百年矣。承平日久，生齿益繁，夫岂无人焉？欲起而辑之，无如人自为心，动辄多阻，故或仅创为墨稿，仅辑为分编，文公之全集散失无存。有垂老而不获亲者，行又将各祖其祖，而不知祖之同出于浚公，而迁者无论矣。

夫纂修之难非独今也。前之君子犹亦病诸张子曰：穷神则善述其事，知化则善继其志。我等才劣远不逮前人，又何敢语圣贤之学？顾以族众谬推，慨然身任。寻坠绪之茫乚，几搜罗之无自，听烦言之嘖嘖，欲从众其谁适所仗。惟列祖在天之灵墨啟乎！孝子仁人而诱掖之奖，劝之以共襄厥事耳。守祠人告曰：先生等定义之

父神座，譁然有笑语声。则列祖之以继述，望我后者固汲匕非一日。我等率一族之人，集一族之力，以成一族之书。亦唯使五百年之渊源有所稽，千余户之脉络有所纪。宁实无伪，宁陋无华，宁缺疑无附会。后之人有茂才异等，将起而续之，得以悉其源而历，指之曰某吾祖也、某吾宗也、某吾一本之亲也。千枝成幹，条理分明。不至援他族而乱厥真，貽笑于狄将军而已。初何敢谓继述之功第在于是，而遂尽于是哉！

光绪二十三年岁次丁酉桂月望日

董事裔孙 昌恒 归昌 祚稟 远桂

谨序